

A1^v

Dem Erbarn vnd veften Herrn/
 Antonio Fugger zů Augſpurg meinem
 großgünfftigen lieben Herrn.
 MEin willige dienft mit erbietung höchftes fleiß
 zů vor/ Erbar und vefter lieber herr/ auff das ich vrfach
 hette/ alte kundtſchafft gegen ewer veltigkait zů ver-
 neuen/ hab ich mir zů aiñ vnderbotten erwólet den frommen/
 hayligen/ alten Theologum/ den hochberúmbten Redner vnd
 Gotgelerten Biſchoff/ Gregorium Nazianzenum/ welches vil
 Bücher yetzund auß dem Kriechifchen ins Latein gezogen wer-
 den durch herrn Wilbold Pirckheymer zů Nüremberg/ vō wel-
 chem mir etliche Tractatē des obgemeltē Gregorij feind freunt-
 lich mitgetaylt vnnd zů lefen wordenn/ Auß welchem ich ewer
 Vefte zů dienftlichem gefallen ins Teutfch gebracht hab ainn
 Leychpredig/ zů Latein Oratio funebris genant/ die er gethon bat
 in d^o begrábnuß feiner liebē ſchwefter Gorgonia/ welche warlich
 wol ain ſpiegel der Tugend/ vnd ain nōdtig ebenbild der from-
 men andechtigen frauen mag genennt vñ fürgeſtellt werden.
 Weyl ich dann vernymb/ das E. V. fo ain tugentlich weyß von
 Got erbetten vnd erlangt hat/ das ſie zů difen gefârlichen zeyt-
 ten/ auß fonderlicher gnad Gottes/ auch zů aim exempel erbarn
 frauen möchte billich, angezaygt werden/ hab ich difer Gorgo-
 nien lob vnd preyß ins Teutfch gewendet/ der mainung/ das E.
 V.darinn mit luft vnd frōwd lefen vnd warnemen foll alle tu-
 gent und Erbarckayt ewers geliebten vnd von Gott etworbnē
 gemahels/ welche ain ander nicht fo volkōmenlich erzâlen vnd
 anzaygen möchte/ als Gregorius hie thût/ Das auch andere Ee-
 manne fo diß büchlin lefen werden/ jre gemahel vil ließer vnnd
 feliger dahin weyfen ſollen/ folcher tugendten ſich zů befleyff-
 gen vnd nachzůuolgen/ dann auff weltliche üppigkayt vñ ver-
 achtung güter werck/ zů trachten vñ in eyttel wolluft zů leben/
 wie es (layder) yetz im neuen Euangelio zůgeet. Es werdē aber
 ye fromme frauen hie auß difem altenn büchlin nicht leernen/

A2^r

Meß/ faften/ feyren/ betten/ fampt kirchen/ Prieftern vnd Mönchen zů verachten/ wie man yetz im newen glauben leert/ Sonder werden hören/ das Gorgonia/ ain fromb andechtig bidderweib/ nicht allain sich felbs/ fonder auch iren man vñ all jre kinder auff andacht vnd Gotsdienft/ höchstes fleyß vor allen dingen gezogen hat/ die Gotsåuhler gezyeret/ die Priefter geeret/ die Münch beherbergt/ mit eer vnnd reuerentz alle gayftlichen empfangen/ witfrawen vnd ander andechtig perfonen gefpeyset vñ geklaydet/ tag vñ nacht gebetet/ wie auch im Euangelio von den beyligen frawen Elizabeth und Anna Luc.1. vnd 2. vil von der frommen Tabita Act.9. gelesen würdt/ vnd wie bey vnfern gezeitten ewer Vetter/ Jacob Fugger/ feliger gedechtnuß/ gantz löblich vnd Chriflich gethon bat/ fo er armen haußleuten (o mildtigklich vnd bequemlich wonung vñ narung erftift vnd mit ewigen zinfen fürfehen hat/ vnd den felbigen in groffer anzal/ auch hie zů Augfpurg ain Capellen in S. Anna kirchen der maffen gebawet vnd gezyert/ das der gleychen in Teutfchē landen nirgend gefunden würt. Sie hat auch folche güte werck nicht vergebens gethon/ oder inn wind gefchlagen/ wie man yetz im newen Euangelio leert/ als müge man da mit nichts vmb Got verdienen/ fonder fie hat zerftrewet vnnd den armen gegeben (spricht jr brüder Gregorius) vonn wegen der gewifen vnd gar nicht betrüglichen zůfagung Gottes/ hat eyngetragen inn die hymliſchen weynpreffen/ bat ainen ſichern ſchatz im hymel gemacht/ hats alles gegeben vmb die zůkünftigen hoffnung/ Dadurch/ fie von Got erlanget hat/ nicht allain wunderbarliche ding in difem leben/ fonder auch ainen fanfften feligen tob/ vnd ewige frōwd in jhener welt/ So dann dife Gorgonia/ da von wir im Kalender nichts haben/ fo vil heyliger tugent vnd güter werck beweißt hat. Wie vil mer follen wir feftigklich glauben/ das die lieben Marterer/ Beychtiger vnnd Junckfrawen/ fampt andern heiligen/ welcher gedechtnuß die Chriftenlich kirch/ durch eyngabung des heyligen gayfts/ herrlich begehret/ vnd jre Feft in die Kalender verzaychnet/ vil Götlicher tugent/ leer vnd exempel vnns fürgetragen haben/ das wir jnen

A2^v

folten nachuolgen/ wie sie Chriftum nachgeuolgt haben/ als Paulus leeret 1.Cor. 4. vnd 2.Theffa. 3. Sollen aber nicht sprechen/ wie die neuwen propheten sagenn/ wir seyen ebenfo güt als die hailigen/ wir dürffen jrer fürbit nichts/ Es sey gefärlich jrem leben nachzüolgen 7c. wa ich dann vermerck/ das E. V. ain güt gefallen hab an difem büchlin/ darinn fromme weyber fo vil güter tugentlicher exempeln befinden mügen/ fo will ich E. V. zü weyterm wolgefallen/ vnd andern Eemannen fürnemlich zü nutz vnd besserung/ auch die andern Leychpredig/ die diser Gregorius in begräbnuß seines brüders Cefarij gethon hat/ verteutfchen darauß yederman ainen feligen Spiegel aller tugendt/ vnd sein felbs brüfung wol bekommen mag/ will hie mit E. V. sampt ewerm gemahel Gott dem herrn beuelhen/ mit freuntlicher anhangender bitt/ wöllet folchs von mir im besten vermercken vnd annemen. Geben zü Augspurg am 24. tag Maij im M.D.XXX. Jar.

E. V.

williger Johan.
Cocleus D.